



Sabtu, 18 Nopember 2023

Ogen: Lukas 1: 56



Metemue



Metemue e me sada biak si lit i bas manusia. Metemue enda rukur kerna kalak sideban, kenyamananna ras keselamatenna. Kengasupen ngalo-ngalo kalak ku bas jabunta bage pe nikapken kai si perlu man bana nai nari lit i bas manusia. Amin i bas paksa si genduari e, jadi kalak si metemue banci ka mpeturah perbeben. La ka kerina kalak si tandang ku jabuta e banci mereken ketenengen man banta. Amin bage gia banci erbage cara si lakoken. Metemue la terjeng nikapken ingan ntah pe pasilitas man kalak sideban tapi mereken pushta jadi teman man bana i bas erbage kecibal geluh ntah pe perbebenna.

Bagenda me i bas 'kegalauan' Maria rikut kecibalna, enggo natangtuh amin langa erjabu, mbue kal si jadi pertimbangan ntah pe perbebenna. Elisabet mere diri jadi 'rumah sementara' Maria i bas situasina. Rumah la terjeng ingan tading tapi mereken ketenengen ras kedamen i bas geluhna. Elisabet jadi teman, nuri-nuri la saja terjeng kegeluhenna tapi pe pasti kerna perbahanen Dibata si mbelin si jadi i bas ia duana. Elisabet natang tuah i bas paksa umurna si enggo metua dengen Maria natang tuah sope erjabu. Perjumpaan ras pertemanen i bas rumah Elisabet sedekah telu bulan banci mpetetap ukur Maria i bas ngalaken situasi kegeluhen si pasti mberat man bana paksa e. Metemue la terjeng mereken iangan tading tapi pe jadi teman, megiken isi pusuh ras kerinana kecibal geluh ras jadi teman si luar biasa. 'Persaudaraan/sisterhood' antara Elisabet ras Maria e me sada jabapen i bas melalana genduari turah persaingan antara diberu i bas erbage dampar kegeluhen. Elisabet amin secara umur lebih metua icibalkenna dirina selaku nande, kaka, senina ras teman maka ngasup Maria kesilang i rumahna.

☞ *Metemuelah la jasa mere jabu tapi pushta jadi ingan kesilang*